



UNIVERSITÄTS-
BIBLIOTHEK
PADERBORN

Universitätsbibliothek Paderborn

R. P. Ludovici Richeomi Societatis Ies. Valedictio Animæ Deuotæ

Richeome, Louis

Coloniæ, 1610

Suijpsius homicidium phrenesis detestabilis est, naturæ contraria,
doctiſimorum quorumque scriptis condemnata, & post mortem legibus
punienda. Colloq. XV.

[urn:nbn:de:hbz:466:1-50753](https://nbn-resolving.org/urn:nbn:de:hbz:466:1-50753)

Suipfius homicidium phrenesis detestabilis est, naturæ contraria, doctissimorum quorumq; scriptis condemnata, & post mortem legibus punienda.

COLLOQVIUM XV.

NVNC disputatis à te sapien- P H I L.
ter admodum istis omnibus, facile colligere est, quatum facinus designent ij, qui absque graui causa vitam suam prodigunt, vel cum ratio postulat ignauissimè eam conseruant: etsi de vtrisque exempla aliqua habeantur, & tam in hac quam in istam partem allegari nonnulla posse videantur. Verùm mirandum id omninò non est, si plurimos reperias, qui contra rationem mortem fugiant: facile enim à se quilibet impetrare potest, vt socordia inertiaëque se animumque tradat. Illud verò non admirationem tantum, sed commiserationem etiam concitare debet, quod non pauci sint, qui, nescio qua opinione persuasi

suasi, & factum animo grandi & excelso dignum se præstituros autumantes, sibi ipsis manus inferre audent, quia id credo. ab hominibus fortibus olim factitatum fuisse legerunt: De his qui tibi videatur, mirum omninò est quam scire aueam, quamque id non breuiter, & velut aliud agendo, sed futius paulò ac spissius à te velim pertractari. THE OL. Parebo sanè, quippè cum ipse videam, eousque hominum amentiam peruenisse, nullum vt errorem reperire possis, qui nò sublicam suam in cerebro alicuius delirantis defixerit. Et quemadmodum Plinius de Græcis asserbat, mendacium ita purum putidum ac manifestum nullum excogitari, quod non patronum aliquem reperturum sit, à quo causa ipsis agatur: ita nobis dicere licet seculum hoc & ætatem nostram plenam Polypis esse, qui quam diuersissimos colores quolibet momento assumere non vereantur. Itaque vt paucis totam tibi rem ob oculos ponam, dico omnes eos qui

Plin. l. 8.

6. 2.

qui titulum boni viri retinere volunt, planè id persuasum sibi habere oportere, quod nemo non eorum qui vitæ suæ hilari animo & deliberato vim inferunt, phrenesi detestabili laboret: omnesque eos qui id facinus approbant, propugnant, ignorantia planè bestialis esse, & in homine qui Christi nomine vitam Christianam profitetur, hæresin furibundam. Hæc Diui b Augustini temporibus passim obtinebat, adeo ut tunc demum nonnulli sibi mirificè placerent atque applauderent, cum manus sibi violentas inferre non formidarent. Inprimis enim lege diuina flagitium illud condemnatum est, cum pœnam homicidio interdicto adiunxit. Quam reuera eo iustius, ij incurrunt, qui sibi ipsis mortem consciscunt, quamque alijs inferunt, quo detestabilius est sui ipsius quam alterius esse homicidam. Itaque cum lex ait, *Non occides*, inielligendum est nec

b S. Aug.
de Hæresibus ad
q vult
hæresi
69.

c S. Aug.
l. 2. de ci-
uit. c. 20.
art. 4.

D 6. omni-

S. Thom.
2. q. 64.
art. 5.

omnium insculptum esse à supremo illo artifice, experientia ipsa testatur: tertio, ratio etiam clarè ac euidenter demonstrat, homicidium flagitium grauissimum omnino esse, contrarium legi diuinæ, naturæ repugnans, & rationi oppositum. Ethnici qui innumeris implicati erroribus fuerunt, vbi doctrinam populi aliquam sanam conspexerunt, tenaciter semper eam defendendam, susceperunt, & pugnacissimè veritatem tutati sunt. Itaque Græci ac Romani nefandum id facinus planè esse arbitrabantur, cùm semper reperiretur furore aliquis percitus, qui telam vitæ suæ succideret, & in ferum sese indueret; Thebani audaciam talem ab extrema insania amantiaque non immeritò proficisci, & à crudelitate planè barbara promanare arbitrabantur Cicero post Platonem per Scipionem hæc ait; Quare tu Publi, & omnes viri boni, animam in corpore retinere, nec ex societate hominum discedere velle debetis absque venia illius à quo vitam accepistis, ne fortassis DEI decre-

Alex. ab
Alex. lib.
5. c. 28. ex
Plat. in
Phadro.
Cicero in
Som. Scip

decreta placitaque reiecisse videamini. Quo loco præclare admodum & velut per transfennam causas duas principales turpitudinis in hoc flagitio designatas, iniuriam primùm quam Deo irrogat is qui manus sibi infert, repellès donū illud quod iure diuino & humano magni facere tenebatur, & tãdiu conseruare, donec illi qui solam potestatem vitæ ac mortis sibi voluit esse reseruatã, aliud constituendum videretur; cuius omninò authoritatem tibi vendicare & vsurpare nemo potest, qui in pœnam condemnationis incurrat; multoquẽ ille minus excusationem meretur, qui absque licentia Dei mundo hoc egreditur, quam miles ille qui excubias deserit, ordine & acie excedit, nõ sine ignominia & mortis supplicio perferendo. Et quemadmodum is qui iudicium sibi rei alicuius vèdicat, cuius cognitio ad solum Principem spectabat, quiue Officiale aut Præfectum illius occidit, crimen læsæ Maiestatis committit: ita sui ipsius homicida, qui prærogatiuam & rem à Deo sibi cõ-

mis-

Arist. 5.
Eth. c.
ult. S.
Thom.
Ibidem.

missam inuadit, reus est coram diuina iustitia diuinæ maiestatis violatæ. Altera causa grauitatis sceleris ab Aristotele assignatur, quod videlicet homo cum Reipublicæ membrum ei que subiectus sit, sibi mortem cōsciscere non possit, quin inuolet in authoritatem Magistrat⁹, qui partes vicesque diuinæ iustitiæ gerit, & iniuriā nō modò Deo inferat, sed etiā, publicæ rei & societati. Vnde meritò ac præclarè admodum rabidos istos & dementes post mortem leges humanæ carnifici tradi iubent, & velut indignos hominum contubernio tam in vita quam post illam sepulchri honore volunt spoliari. Bellè admodū in ciuitate quidam Gasconiæ annos ante tredecim factitatum id esse memini: vbi cum in officina peregrinus quispiam operam herolocauisset suam, eam in amētiam prolapsus fuit, vt nefario icō flagitio manus contaminaret; rapitur ergo infœlix cadauer, & tribus asseribus compactis velut sarcophago imponitur, & super cacuminibus quatuor trabium in terram ante

ante portam ciuitatis defixarum collocatur. Atheniensibus etiam quod ex Platonis doctrina hauserat, in more fuisse accepimus, ut sui ipsius reos manu dextra rescissa mutilarent, eamque in aere putrescere sinerent, quippè quæ nefario facto ut instrumentum inseruisset. Maneat nunc ergo istiusmodi facinorosos non coram Deo tantum, sed tota generis humani societate ac natura execrabiles esse, quia illius leges parricidio crudelissimo ac sacrilego planè violare non verentur.

*Alex.c.
l.5.28. &
Plato in
Phædone
& l.9. de
legibus.*

*De Samfone & alijs sui interfectori-
bus.*

*Princeps sapiens legem interpreta-
tur.*

COLLOQVIUM XVI.

QUID verò tu mihi nunc pro PHIL.
ijs allegaturus es, qui manus
sibi violentas intulerunt, ac
nihilominus in numerum bono-
rum relati sunt, quemadmodum *Iudic.16.*
de Samfone accepimus? THEOL.A. 30.
Iud omninò nihil quam quod super
eadem.